



16 FEB, 2024

Beras Siam gagal masuk Kedah

Kosmo, Malaysia



Kastam berjaya pintas treler bawa 42,000kg beras Thailand

Beras Siam gagal masuk Kedah

Oleh NORLIDA AKMAR IDROS

ALOR SETAR – Jabatan Kastam Diraja Malaysia (JKDM) Kedah berjaya mematahkan cubaan sindiket menyeludup 42,000 kilogram (kg) beras hancur dari Thailand dengan menggunakan sebuah treler di Jalan Kubur Panjang, Pokok Sena dekat sini pada 6 Februari lalu.

Pengarah Kastam negeri, Nor Izah Abd. Latiff berkata, berdasarkan maklumat diterima Cawangan Penguatkuasaan Alor Setar tentang aktiviti penye-ludupan beras dari negara jiran, pasukan berjaya mengesan dan mengekori sebuah treler ber-nombor pendaftaran tempatan.

"Hasil risikan mendapati treler itu memasuki Malaysia dari Thailand melalui pintu sempadan Kompleks Imigresen, Kas-tam, Kuarantin dan Keselamatan (ICQS) Durian Burung.



SEBUAH treler dengan muatan 42,000 kg beras hancur Thailand yang ditahan di Jalan Kubur Panjang, Pokok Sena semalam.

"Setelah melepasi kawalan sempadan, anggota penguat kuasa mengekori treler tersebut dari ICQS Durian Burung dan me-nahannya di tepi jalan berhampiran Pondok Bukit Lada, Jalan Kubur Panjang, Pokok Sena," ka-tanya dalam satu kenyataan di sini semalam.

Katanya, pemandu treler bagaimanapun bertindak me-larikan diri dan dikejar anggota, namun gagal diberkas.

Menurut Nor Izah, hasil siasa-tan awal, treler berkenaan me-masuki Malaysia dari Thailand melalui pintu sempadan ICQS Du-rian Burung dengan mengikrarkan sebagai tidak bermuatan.

"Walaupun bagaimanapun hasil pemeriksaan terhadap muatan yang dibawa oleh treler terse-but, pasukan menjumpai 840 beg guni berisi beras hancur seberat 42,000kg dengan anggaran nilai rampasan RM105,000," ujarnya.



16 FEB, 2024

Beras Siam gagal masuk Kedah

Kosmo, Malaysia



SUMMARIES

Kastam berjaya pintas treler bawa 42,000kg beras Thailand

ALOR SETAR - Jabatan Kastam Diraja Malaysia (JKDM) Kedah berjaya mematahkan cubaan sindiket menyeludup 42,000 kilogram (kg) beras hancur dari Thailand dengan menggunakan sebuah treler di Jalan Kubur Panjang, Pokok Sena dekat sini pada 6 Februari lalu. Pengarah Kastam negeri, Nor Izah Abd.